



Fedde ngam Bambaare
Demngal Wolof e Muritani
(APROLAWORIM)



Fedde Bambaare Pulaar e
Muritani (FBPM)



Fedde Muritaninaare
Bambaare Demngal e Pinal
Sooninke (AMPLCS)

21 colte, Ñalawma Winndereejo Demngal Neeniwal « Janngirgol demde keewde ine joggi ngam moyyingol jaŋde »

21 febariyee hitaande kala, ko ñalawma winndereejo demngal neeniwal, mo UNESCO dotti e hitaande 2000. Hitaande kala Pelle pinal ngenndiije, hono FBPM e AMPLCS e APROLAWO, ine mawnina kañum enne ñalawma oo no winndere ndee kala mawninirta mo nii, ngam semmbinde kuutoragol demde ngenndiije nder ekkol, semmbinde keewal demde e pine, e tiidinde ngootaagu ngenndi.

Tiitoonde ñalawma 21 febariyee hikka oo ko « **janngirgol demde keewde joggi ngam moyyingol jaŋde** ». E wiye Unesco, ndeen jaŋde « **fuddortoo ko he demngal ngal cukalel ñuri waawde, hade demde godde naatnirrede heen seeda-seeda** ». Ndee yiyannde tuugiinde e janngirgol demngal neeniwal tawo, ine rokki demde winndereeje dee himme mawdo sibu ine wallita tafngo renndooji udditiidi, ine wallita nguurdiigu pine e jiyande aduna ceertude.

Hannde fof njeñtudi widtooji paatudi e ganndal nehdi e jaŋde jowitiidi e miijande ekkitaare ñii fof, ñuri semmbinde pelle pinal dee. Widtooji e humpito kala kollitii wonde kuutoragol demngal neeniwal ko huunde wadfiinde ngam yuumtinde jaŋde. Ko hono noon kadi :

- humpitooji e widtooji badaadi e nder winndere ndee, paatudi e ekkitaare rewruude e demngal neeniwal, kam en fof ko duum kolliti : **wonde sukaabe ñurata fedditaade e jaŋde ko he nder demde mum en neeniije** ;
- humpito yuumtungo janngirgol demde men neeniije pulaar, sooninke e wolof, ngo Dudal Demde Ngenndiije wadnoo he Muritani hakkunde 1979 e 1999, ngo ñeto ummoriingo boowal (Breda-Unesco) e ñeto ndernderiwo (Jaagordu jaŋde leydi ndii), ceedtii juumtugol mum, mbasiyii kam en fof kuufodingol jaŋde demde ngenndiije nder ekkol.

Nder leydi men, 21 feebariyee hikka hawri ko e cosgol **Dudal ngam Yellitaare e Janɗe Demɗe Ngenndiije (IPELAN)**, daawal kimmungal ngam faltude palal gadanal palingal yeeso tippudi nehdi e janɗe leydi men ngal.

Pelle pinal ngenndiije ɗee, sabu mum en yenaneede joggol rewde janɗe tuugiinde e demɗe keewɗe sabu « **julyultondiral e muuyaade demokaraasi ine mbaddini e sukaabe ɓee marde, gaa gaa ko idii fof demɗe mum en neeniije ɗee, marde kadi demɗe winndereeje e diiwaaniije ɗee, mbele aɓe mbaawa jeyeede e renndo ɓurngo yaajde, ɓe njeytoree kadi no haanirta nii e aduna mo ɓe nguuri oo** ». Ko duum addani pelle ɗee wasiyaade Dowla Muritani :

- nde siynata ko ɓuri yaawde, e no ɓuri feewde e yuumtude, janngirgol demɗe men ngenndiije e denndaangal tolnooji tippudi nehdi e janɗe leydi ndii, ngam huuɓnande yimɓe fof janɗe, tawa ko janɗe moyƴere, ɗo yimɓe fof poti fartanɗe, janɗe nde joŋaani hay gooto ;
- nde huuɓnanta IPELAN gollotoobe duumiibe e tuugnaade e mbaawka, e goongɗingol e haandude ;
- nde laawɗinta demɗe pular, sooninke e wolof, feere timmunde, joggunde ngam juumtugol janɗe nder demɗe ngenndiije.

Nuwaasoot ñalnde 21 colte 2023
Jokkorde pelle pinal